

Inatsisartut suleriaasiat § 37 malillugu immikkoortoq 1 naapertorlugu matumuuna Naalackersuisunut apeqqut imaattoq saqqummiuppara.

Naalackersuisunut apeqqut:

- 1. Kvotefrizone-ni licens-it atorlugit taamaallaat aalisartoqarsinnaava, aap atorneqarpat qanoq aaqqissuunneqarsimava? Naagga atorneqarpat suna pissutigalugu atuutinnigila?**
- 2. Qaanaami aalisarnikkut aaqqissuussaannerup Nuup aalisarnikkut aaqqissuussaanaera qanoq assigiinnigissuteqartigippat 2018 sioqqullugu?**
- 3. Naalackersuisut siulittaasuat qanoq sivilutigisumik Naalackersuisut siulittaasutut atuuffimmini akunninngorlugu allaffimmini nunarput aqullugu issiasarpa?**
- 4. Aalisarnermut Piniarnermut allagartaq 50/50 atorlugu sulit atuuttoq soq Naalackersuisut siulittaasuanut atuutinnigila?**
- 5. Utoqqalinersiallit piniarnermut aalisarnermut allagartassamik akuersissutinik pissarsinaraangata suna tunngavigalugu itigartinneqartarpat imaluunniit qanoq akuersissummik pissarsisarpat?**

(Inatsisartunut ilaasortaq, Jens Napātôk', Partii Naleraq)

Tunngavilersuut:

Qaanaami piniartutut aalisartutullu inuussutissarsiuteqartoq kvotefrizone-mi qaleralinnik aalisarnissaminut licens-imik tassa akuersissummik peqqaarluni aalisarsinnaatitaavoq. Aalisarnissamut Licens akuersissut piginnigikkaanni tunisinissaq ajornarluinnartarmat, taamaattorli inuinnarnut tunisissagaanni ajornaquteqarani.

Naalackersuisut siulittaasuat, Naalackersuisut siulittaasutut atuuffimmini qanoq sivilutigisumik Nunatsinnik aqutsilluni allaffimmini ataatsimiillunilu suliassaminik nakkutiginninnersoq paasissallugu pingaaruteqarluinnarpoq. Nunarput torersumik inuiaqatigiinnillu naammaginartumik aqunneqassappat akisussaaffimmik tigummininneq 100%-imik ingerlatissallugu pingaaruteqarluinnartutut isigineqarmat innuttaasuniit.

Utoqqalinersiallit aalisarnermut piniarnermut allagartamik pissarsinaraangamik ilaatigut itigartitaasarsimasut tusartarpavut. Inuunertik naallugu piniartutut inuussutissarsiuteqarsimasoq utoqqalinersiaqalernini pissutigalugu piniartutut allagartamik pisinnaajunnaartarnerat Partii Naleqqamiit tupigilluinnartarparput inatsisip taama equngatigisumik aaqqissuunneqarsimaner. Kikkunnut tamanut atuuppoq 50/50 soq Naalackersuisut siulittaasuanut tamanna atuutinnigila? Inuit aalajangersimasut qassit taamatut immikkut akuerisaallutik allagartaqartinneqarnersut

Inatsisartunut ilaasortaq Jens Napātôk'

Imaneq 1, Postboks 4120, 3900 Nuuk, E-mail.: jnaap@inatsisartut.gl Nittartagaq.: www.partiinameraq.gl
Oqarasuaatit.: +299 34 50 00 Toqqaannartoq.: +299 34 62 Angallattaq.: +299 258866

paasisallugu pingaaruteqarluinnarpoq. Naalakkersuisut siulittaasuat qinigassanngortissimaguni ilisimasussaavaa ingammik partiimi siuttutut inissisimalluni inissikkuni paasisimassallugu akisussaaffimmik allamik tigusaqarnini pissutigalugu ingerlatap aappaa aallussinnaanangu. Taamaattumillu inuttulli allatut ajornartumik qinersisiaqarnini aalajangiuttussaassallugu pisussaaffigaa takinerunngilaq.

Utoqqalinersiallit piniarnermut aalisarnermut allagartamik pissarsiniaaraangata itikkaatinneqartarput utoqqalinersiaqarmatagooq tassa allanik isertitaqarmatagooq. Utoqqalinersiat naammaginartutut ukiuni arlaqalersuni aqqissuussiffiqineqanngitsut tamarluinnatta ilisimaqqissaarpagut, taamaattumillu aqqissuusseqqinnissap tungaanut utoqqalinersiallit saniatigooralugu piniarnermut aalisarnermut allagartamik pissarsisinaanerat aqutissiuunneqartariaarpoq akissarsiai ilanngaaffiginngikkaluarlugit, tamannalu aamma inummut peqqinnartuuvoq.

Apeqqutit ullut qulit suliffiusut iluani akineqarnissaat kissaatigaara

Inatsisartunut ilaasortaq Jens Napätôk´

Imaneq 1, Postboks 4120, 3900 Nuuk, E-mail.: jnaap@inatsisartut.gl Nittartagaq.: www.partiinameraq.gl
Oqarasuaatit.: +299 34 50 00 Toqqaannartoq.: +299 34 62 Angallattagaq.: +299 258866